

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za boračka pitanja, Vlada Zeničko-dobojskog kantona, na 84. sjednici, održanoj 29.12.2016.godine, donosi

## ZAKLJUČAK

### I.

Vlada Zeničko-dobojskog kantona podržava inicijativu za učešće kantona sa područja Federacije BiH u projektima zapošljavanja djece šehida/poginulih branilaca, iznesenu u zaključcima 2.-5. sa sastanka održanog 06.12.2016. godine u zgradi Vlade Federacije BiH na temu „Projekti i mogućnosti zapošljavanja djece šehida i poginulih boraca“, naznačenim u dopisu Federalnog ministarstva za pitanja boraca i invalida odbrambeno-oslobodilačkog rata, broj: 01-05-6451/16 od 07.12.2016.godine.

Istovremeno, Vlada Zeničko-dobojskog kantona podržava i pokretanje inicijativa koje se odnose na zajedničko učešće Federacije BiH i kantona u projektima zapošljavanja ostalih kategorija pripadnika branilačke populacije.

### II.

O obimu i načinu učešća Zeničko-dobojskog kantona u projektima iz tačke I. ovog Zaključka, odnosno visini sredstava Budžeta Zeničko-dobojskog kantona u naznačenu svrhu, Vlada Kantona će odlučivati po prijemu i razmatranju materijala nadležnih organa i tijela, a koji se odnose na programe zapošljavanja djece šehida i poginulih boraca koji će biti doneseni u skladu sa zaključcima sa sastanka od 06.12.2016. godine, postupku i nosiocima realizacije istih, te određenoj visini, uvjetima, načinu i postupku raspodjele potrebnih sredstava u ovu svrhu, o čemu će donijeti poseban zaključak.

### III.

Zaključak stupa na snagu danom donošenja i isti se dostavlja Federalnom zavodu za zapošljavanje, Federalnom ministarstvu za pitanja boraca i invalida odbrambeno-oslobodilačkog rata i Ministarstvu za boračka pitanja Zeničko-dobojskog kantona, u cilju dalje realizacije.

Broj: 02-\_\_\_\_\_/16.

Datum, 29.12.2016. godine

Zenica

**PREMIJER**

*Miralem Galijašević*

DOSTAVLJENO:

1x Federalni zavod za zapošljavanje (putem Ministarstva),

1x Federalno ministarstvo za pitanja boraca

i invalida odbrambeno-oslobodilačkog rata (putem Ministarstva),

1x Ministarstvo za boračka pitanja,

1x a/a.